



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**MARTYROLOGIVM.|| DER Kirchenkalen=||der/**

**Canisius, Petrus**

**Dillingen, 1599**

**VD16 M 1284**

24 c Timotheus Bischoff/ S. Pauli Jünger.

**urn:nbn:de:hbz:466:1-41449**

c ix. Calendas Februarij.

Der XXIII. Tag im Jenner.

**I**n Antiochia ist heut der Geburtstag des heyligen  
 Marterers vnd Bischoffs Babyle / ward zur zeit  
 des Kayfers Decij gefangen / vnd mit dreyen Knaben  
 / nemblich Urbano / Prilidiano vnd Eupoleno (vnd  
 der welchen der erst zwölff / der ander neun / der dritt sibben  
 Jar alt war) auffgehengt / gestreckt / vnd endlich ent-  
 haupt / bey welchem allem / der dreyen Knaben Mütter /  
 Theodona genant / hat sehn vnd zusehen müssen / die  
 auch darnach die Todten Leiber begraben hat. Von di-  
 ses Babyle begräbnus list man in Ecclesiastica historia  
 ein groß vnd herrliches Wunderwerck / zur zeit des ab-  
 trinnigen Kayfers Juliani geschehen.

Anno Dñi  
 280.

Lib. 101

Item in der Statt Neocesarea / inn der Land-  
 schaffe Macedonia gelegen / der heyligen Marterer  
 Marthonij / Musonis / Eugenij / vnd Matelli / welche  
 alle vier vmb des Christlichen Glaubens willen gefan-  
 gen vnd verbrennt / ihre aschen auch in den flus Arum  
 gestrewet worden.

Item (als etlich wollen) des heyligen Timothei /  
 S. Pauli Jünger / von welchem oben am 22. Tag dis  
 Monats.

Item zu Cameraneo / die erhebung des Leibs des  
 heyligen Bischoffs vnd Reichthigers Autberti / von  
 welchem hernach am 13. tag Christmonats weyter.

Item in der Landschaft Trecafinno des heyligen  
 Marterers Sabiniani / welchen der Kayser Aurelia-  
 nus hat lassen binden / mit eysen slangen schlagen / ein  
 glüenden

D ij

## Januarus

Anno Dñi  
207.

glüenden Eysenhüt/ auff sein Haupt setzen/ vnnnd nach dem er diß alles vberwunden / auch mitten im Feuer vnuerlest blib/ ist er vmb Christi willen enthauptet worden/ leuchtet vor vnd nach seinem tod mit Wunderzeichen. Disen setzt man auch am 29. tag diß Monats.

Item des H. Bischoffs vnd Marterers Felicians/ welcher vnder dem Kayser Decio / vil grausame marter vberstanden/ vnd biß in den tod / für den Christlichen Glauben/ vmb die Marterkron ritterlich gestritten hat.

Am selbigen tag/ seind auch gemartert vnd getödtet worden / die heylige drey Brüder / Paulus/ Pausinius vnd Theodotion/ welche nach verachtung der weltlichen lüppigkeit/ sich in ein Klosterleben begaben/ auch vnder den Kaysern Diocletiano vnd Maximiano/ iren Christlichen Glauben vor den Hayden frey bekenneten/ vnd derhalben mit dem bitteren Tod/ die ewigen freuden erkauften.

Item die erhebung des H. Königs vnnnd Marterers Erixi/ von welchem hernach am 18. May weiter.

Item zu Erffordt/ die erhebung der heyligen Junckfrawen Pusinne / von welcher hernach am 23. Aprilis weiter.

d viij. Calendas Februarij.

### Der XXV. Tag im Jenner.

**H**ut ist der Tag/ der wunderbarlichen beköhrung des heyligen auferwölten grossen Apostels Pauli/ geschehen bey Damasco / im andern Jar der Auffart Christi vnsero HERRN. Diser ist auß einem wütigen vnnnd blütigen Verfolger der gangen Christ-